

叢說

志之闕文爲傳信也事不以信後世則志不書而或有所見所聞所傳藏于故老之家寓于稗官之籍其事同而首尾互異其說異而大畧多同者若一切闕之毋乃沉前人之彩而志幾隘乎然以百年幾絕之跡而欲信諸一日之考則豈敢謂然志叢說以俟綜核之君子

項斯宅

唐丹徒尉項斯宅相傳在介山下三學寺碑文云麻

僊居縣志

卷二十七

叢說

一

姑之峯不遠項斯之宅可尋亦信而有徵矣乃皆謂臨海人何哉按唐武德四年置台州樂安隸之八年廢入臨海宋太平興國三年復置景德四年始改爲僊居其稱臨海豈其然歟新舊乘不載闕文也不特此金華狀頭陳亮派自田市之侍御陳旰誌勿登旰名天台評事夏鏃齋出赤岩之宜慰若水人莫知水里呂六松室邇官屋惟遺古井十闌址已墜而田矣翁一瓢家在下枝僅留蒼松兩樹墟曾封爲墓焉九都登龍山有謝推官舍傳其姓而逸其名二都楊村有楊士炳第知其名而遺其官刑部孔子久宅在北

門設國院後洪水衝壞立錐鮮存少卿張十五宅在田頭關王廟後荆棘披離蒼莽莫考昔人謂地以人傳嗟乎世遠年湮并其地而非之孰從而傳也哉

荒不及覩

斯邑萬山夾水官路在水傍田之統路近溪者頗腴而少沿山附石者甚瘠而多且雨少卽稿雨多卽穠官府踏荒徒見路傍之膏腴不覩山間之磽瘠也故以荒爲稔者容或有之宋尤公表詩云一雨淋漓已渺漫未晴三日又言乾從來話道天難做天到僊居分外難

僊居縣志

卷二十七

叢說

二

潘卿功在千載

明初給餉遊卒用海運成祖徙都于北亦行之永樂九年潘叔正倅濟寧建言舊會通河四百五十餘里其淤塞者三之一可濬之以通漕朝廷乃命與宋禮等往治叔正用老人白英計築壩于汶上縣之戴村橫亘五里遏汶勿東流令盡出于南旺至分水龍王廟分爲二水四分南流以接徐沛六分北流以達臨清相地勢高下增修水閘以時啓閉便蓄洩自分水至臨清地降九十尺爲閘十有七而達于漳御南至沽頭地降一百十有六爲閘二十有一而達于河

淮于是漕運通而海運罷狼無飄溺之患成祖御製詩賜之曰潘卿去濟河功多怨亦多百年千載後功在怨消磨

### 南州識鑒

李右都一瀚與叔兄一潮年相及一潮穎晤特達一瀚資稍不逮其父與鄉長者多奇一潮而意雅不在一瀚應編修南州公獨以詣遠期之爲弟二女擇婿一以妻一瀚一以妻林公應麒旣果與林背後先登第人莫不服應之識鑒云

### 昔日剛中

僊居縣志

卷二十七

叢說

三

陳剛中少與翁森善剛中旣貴屏騶從葛衣造之森笑逆曰斯吾昔日剛中乎促膝語歡甚時論兩高之

### 樺溪夜號

金三復字克孝宋淳熙間與弟三德同登第時呼金雙科一夕同汎舟于樺溪劇飲聯詩日月白溪拖練星明水撒金詩未成舟覆溺水而死才豪所激如王勃然空中輒聞誦前詩人懼其爲厲續曰夜寒枯骨冷空作渡頭吟遂止

### 辨三峽水

陳剛中奉使西川翁一瓢送之曰回可取上峽水爲

我烹茶此歸奉之有烹之曰何乃是下峽水耶陳曰舟逐流急不覺已到下矣衆異之

### 夢得鯉魚

吳忠恪公謫橫州父探之卒于橫扶柩歸葬畢復旋橫至豐城舟覆飄流百餘里有漁人夢某處水口可得大鯉魚覺奔夢所一網得公漁人驚失網復沉水而去漁人思昨夢得非天意乎復飛舟救起胷微有氣漁人以釜于公臍上求去水移時乃甦

### 夢閱賢書

李遂夫原名田初夢人推車過門滿載皆書卷問何僊居縣志

卷二十七 叢說

四

等文書曰省中及第人姓名也揖而求觀遍閱無已名獨有李遂夫者車人指曰是爾姓名乎謾應之曰然其人曰此一鄉皆食牛肉而汝家三世獨不食當父子登科既覺因更遂夫果中

### 并刀自立

舉人暨仁壽在家好植并刀于几上手弄之環轉迄此上一夕妻王氏刺繡燈下并刀忽自立者再王氏驚泣曰夫君其不祿乎詰旦訃音至

### 金剛夜徙

界院寺舊有金剛二座像頗莊嚴至正間一夕托

通告里人曰寺其墟矣吾當他徙以自完明日衆往觀之像果無存須臾寺圯相傳今廣度金剛卽所徙像云

### 清官勿犯

明嘉靖間倭寇浙東僊居焚掠殆甚至嬰少叅牛田家僉曰清官也相戒勿犯

### 理學風流

陳公襄理學士也以循良稱而山水興復不淺建亭于景星刻石于天台山韋羗南峯石牛皆有登臨之作後世想見風流不減叔子之于峴首長公之于西

僊居縣志

卷二十七

叢說

五

冷可知性學治功韵事同出一原真理學卽有真經濟真風流非然則迂與僞耳彼荒于游者無論矣若乃義冠博帶紆詞端步膠柱而鼓瑟動戾于時不適諸用上之不能爲國家出力下之不能爲民生造福徒借理學二字文其短所爲德之賊也猶詡曰然號於人曰仲尼之徒仲尼有知寧不謂誣我已甚哉

### 括蒼存疑

括蒼山一名天鼻寰宇記曰高一萬六千丈周回三百里與韋羗山相接唐天寶中改名真隱道書云括蒼山在會稽山東西五岳圖序云括蒼東岳之左輔

崑圖云括蒼交映桐栢登之見滄海以其蒼七接海故名神仙傳云王方平居崑崙往來括蒼石壁上有蝌蚪字高不可識宋元嘉中遣名画圖于團扇赤城志云臨海真隱山本名括蒼羣山中最號巉絕有八面焉一向疑真宮其七則臨海黃巖僊居永嘉樂清縉雲東陽七縣界皆山脊綿接今縣西蒼嶺亦其所通也山中有洞與處州之玉虛宮通自嶺而言則東屬台西屬處是謂天門地戶故不特處名括蒼而台之括蒼門與此邑之括蒼驛亦皆以是而名但郡志云一千五百丈與寰宇記不同未知孰是而石壁蝌

僊居縣志

卷二十七

叢說

六

蚪韋羗山有之豈兩山相接而訛耶

陰騭尚書

應司寇大猷少習業于山中夜鬼嘯集達七驚人公不懼也一夕聞鬼云某婦人以夫久客不歸翁姑逼嫁之明夜當繫死于此吾得代矣公潛易田得四金卽僞作其夫之書寄銀還家其父母見書以手跡不類疑之旣而曰書可僞銀不可假想兒無恙婦遂不嫁後其子亦歸夫婦相保如初公又聞鬼語曰吾當得代奈此秀才壞書事旁一鬼曰爾何不禍之曰上帝以此人心好命作陰德尚書矣吾何得而禍之應

公因此益自努勵果登正德甲戌進士歷仕大司寇子孫至今科第勿替云

以僊字焚縣治

宋宣和四年呂思蘘作亂以縣治僊字大已爲犯諱焚之執士人蔣煜欲妻以女煜罵而拒之遂被害景炎二年縣治燬于亂兵元至正十六年處州山寇尹亞火又以僊字西大類亞火焚之明嘉靖三十五年倭寇猖獗浙東騷動六月賊漸迫知縣姚本崇令戍卒賊不犯城而去者鳴鐘三聲爲號賊已過而聞鐘疑官兵追已遂攻城陷之焚縣治殺居民極其慘酷僊居縣志

卷二十七

叢說

七

後四十餘日郡守譚綸始以兵至驅而殲之

芝生東齋

明萬曆三十五年秋芝生手儒學東齋之冬青樹三本大者五層玉色而紫紋時或變而微紅